

ايه فاضل لنا فيكي..!

ايه فاضل لنا فيكي يامصر ..
كل مره تمصي دمي ..
والاسم ابنك .. وقال امي مصر ..
مين السبب في دمي اللي راح عالارض ..
وعواجيزك شبعانين فيها بالطول والعرض..

...

مره اموت في ثورة .. علشان احميكي من الفساد ..
ومرة اموت في ماتش .. وانا بشجع فريقتي ف الاستاد
ومره اموت عالحدود .. وانا بحميكي قبل العيد ..
وماديني هموت ف قطر .. وجواه بلدي فالصعيد ..
ايه فاضل لي فيكي تاني .. يامصر
تاخذ دمي ,, وتقولي أمي
تاخذ حلمي وتقولي ..ابني
وانت فيكي ايه حافظ عليا
علشان اعيش في حضن « أمي »
والاسم ابنك .. وقال أمي « مصر »

حسام السيد